



SLUŽBENI GLASNIK OPĆINE BUŽIM

Godina XVIII – Broj 3	25.03.2013 BUŽIM	Izdanje na bosanskom jeziku
-----------------------	---------------------	--------------------------------

53.

U skladu sa članom 180. stav 4.. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj:39/03, 22/06 i 44/10), tačke VI stav 1 tačka 3. Odluke o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća te člana 29. stav 1. tačka 1. Pravilnika o načinu rada i funkcioniranja štaba i povjerenika civilne zaštite („Službene novine F BiH« broj: 77/06 i 5/07), na prijedlog Službe za civilnu zaštitu i vatrogastvo općine Bužim, Općinski štab civilne zaštite na svojoj 3. sjednici održanoj dana, 13.12.2012. godine, **donosi:**

O D L U K U

o usvajanju godišnjeg plana korištenja sredstava zaštite i spašavanja za 2013. godinu

I

Ovom Odlukom prihvata se i usvaja Plan o korištenju sredstava za zaštitu i spašavanje za 2013. godinu Službe za civilnu zaštitu i vatrogastvo, broj: 02/5-14-

4801, od 13.12.2012. godine i sastavni je dio ove Odluke.

II

Službe za civilnu zaštitu i vatrogastvo će za svaku stavku predviđenih troškova u Planu iz tačke 1. ove Odluke izraditi i dostaviti odluku za pojedinačne namjene na usvajanje Štabu civilne zaštite.

III

Odluka stupa na snagu danom donošenja a objavit će se u Službenom glasniku općine Bužim

Broj: 02/5-14-4801-1/12

Bužim, 13.12.2012

KOMANDANT ŠTABA
Agan Bunić dipl.pravnik, s.r.

54.

U skladu sa članom 180. stav 4.. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj:39/03, 22/06 i 44/10), tačke V do tačke X.. Odluke o uslovima i načinu korištenja sredstava ostvarenih po

osnovu posebnog poreza za zaštitu od prirodnih i drugih nesreća («Službene novine F BiH» broj: 4/12), te člana 29. stav 1. tačka 1. Pravilnika o načinu rada i funkcioniranja štaba i povjerenika civilne zaštite («Službene novine F BiH» broj: 77/06 i 5/07), na prijedlog Službe za civilnu zaštitu i vatrogastvo općine Bužim, Općinski štab civilne zaštite na svojoj 3. sjednici održanoj dana, 13.12.2012. godine **donosi:**

P L A N
KORIŠTENJA SREDSTAVA POSEBNE
NAMJENE IZ OBLASTI ZAŠTITE I
SPAŠAVANJA LJUDI I
MATERIJALNIH DOBARA OPĆINE
BUŽIM ZA 2013 GODINU

DIO PRVI – UVOD

Plan korištenja sredstava posebne namjenjenih za zaštitu i spašavanje općine Bužim za 2013 godinu predstavlja dokument koji treba da omogući plansko ulaganje tih sredstava u namjene određene članom 180 stav 4. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“ broj: 39/03, 22/06 i 44/10). Ova sredstva obračunavaju sva pravna lica i građani koji obavljaju samostalnu djelatnost, kao i državni organi svih nivoa vlasti u visini od 0,5 % od osnovice koju čine isplaćene neto plate zaposlenika i svih lica angažiranih po ugovoru u vršenju privremenih i povremenih poslova, kao i po ugovoru o djelu. Isti subjekti sredstva uplaćuju istovremeno sa isplatom plaća i naknada na poseban račun. Za tu namjenu općina Bužim je otvorila račun i sredstva se redovno kumuliraju, a trošice se u skladu sa zakonom i ovim Planom.

Sredstva posebne namjene civilne zaštite ulažu se u sadržaje preventivnog karaktera, a po nastanku prirodne i druge nesreće u provođenju hitnih mjera na spašavanju ugroženih ljudi i materijalnih dobara, kao i sprovođenju hitnih mjera na saniranju nastalih posljedica.

Prema članu 184 Zakona o zaštiti i spašavanju posebna sredstva zaštite i spašavanja mogu se koristiti za slijedeće namjene:

1. pripremanje, opremanje i obuku općinskih štabova civilne zaštite, službi zaštite i spašavanja i jedinica civilne zaštite općine, kao i troškove koji nastanu tokom njihovog učešća u provođenju mjera zaštite i spašavanja po naređenju Općinskog štaba civilne zaštite.
2. opremanje pravnih lica u dijelu kada postavljeni zadaci u tim licima nadilaze njihove materijalne mogućnosti,
3. prilagođavanje i održavanje drugih zaštitnih objekata za potrebe sklanjanja ljudi i materijalnih dobara,
4. nabavka i održavanje sistema za uzbunjivanje

stanovništva,

5. saniranje dijela šteta nastalih prirodnom i drugom nesrećom u skladu sa svojim materijalnim mogućnostima,

6. druge potrebe zaštite i spašavanja u skladu sa zakonom i drugim propisima.

Ovaj plan je usklađen sa Programom razvoja zaštite i spašavanja ljudi i materijalnih dobara od prirodnih i drugih nesreća na području općine Bužim za period 2008-2012 g.(„Službeni glasnik općine Bužim“ broj 2/08) a osnovice za raspoređivanje sredstava u namjene iskazane u tabelarnom dijelu ovog Plana čine iznosi planiranih sredstava zaštite i spašavanja u 2013 godine, kao i neutrošenih sredstava zaštite i spašavanja sa stanjem 31.12.2012. godine.

Tačkom V, VI, VII, VIII i IX. Odluke o uvjetima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine F BiH“ broj: 4/12) (u daljnjem tekstu Odluka) propisano je slijedeće:

1. Iznos do 20 % za provođenje preventivnih mjera zaštite i spašavanja,
2. Iznos 30 % za opremanje struktura civilne zaštite općine Bužim i Operativnog centra,
3. Iznos od 10% za obuku i vježbe struktura civilne zaštite općine,
4. Iznos do 2 % za sufinansiranje nabavke opreme za ličnu zaštitu i spašavanje socijalno ugroženog stanovništva.
5. Iznos do 38 % za saniranje dijela šteta koje nastanu usljed dejstva prirodnih i drugih nesreća, kao i za troškove hitnog angažiranja snaga i sredstava zaštite i spašavanja.

Pored toga tačkom V. Stavom 5. naprijed citirane Odluke utvrđeno je da se neutrošena sredstva zaštite i spašavanja na dan 31.12.2012 godina (iznose 100.000,00 KM) mogu koristiti za slijedeće namjene

1. Provođenje preventivnih mjera zaštite i spašavanja
2. Opremanje struktura civilne zaštite
3. Opremanje OpŠCZ-e nabavka terenskog motornog vozila
4. Subvencija nabavke sredstava i opreme za ličnu zaštitu socijalno ugroženih građana općine Bužim,
5. Finansiranja potreba u vezi priznanja i nagrada CZ općine Bužim povodom 1. marta Dana civilne zaštite Federacije
6. Finansiranje rada OpŠCZ-e općine Bužim
7. Provođenje hitni mjera zaštite i spašavanja i saniranje posljedica dejstva prirodne i druge nesreće

U 2013 godini planirana sredstva zaštite i spašavanja iznose 24.500,00 KM, a akumulirana na dan 07.11.2012 godine 99.654,13 KM ista se raspoređuju prema utvrđenim procentualnim parametrima, koji se međusobno može preraspoređivati shodno stavu XI navedene Odluke Vlade F BiH.

U skladu sa citiranom Odlukom u tabelarnom dijelu ovog Plana iskazane su namjene korištenja sredstava

zaštite i spašavanja općine Bužim za 2013. godinu.

TABELARNI PRIKAZ RASPODJELE SREDSTAVA ZA 2013 GODINU

<i>r/b</i>	<i>Namjena</i>	<i>Akumulirana Sredstva KM</i>	<i>Planirano sredstava u 2013 KM</i>	<i>Ukupno</i>	<i>Izvor finansiranja</i>
1.	Nabavka terenskog motornog vozila Član 184. stav 1. tačka 2.	40.000,00	3.900,00	43.900,00	Tekuća 15,92% akumulirana sredstva iz prethodnih godina 40% od posebnog poreza za zaštitu
2.	Pripremanje, opremanje i obuka štaba povjerenika i jedinica CZ. Član 184. stav 1. tačka 2,3,5 i 7	16.000,00	5.850,00	21.850,00	Tekuća 23,87% i akumulirana sredstva 16,00% iz prethodnih godina od posebnog poreza za zaštitu stav VIII Odluke vlade FBiH
3.	Sredstva veze za potrebe Operativnog centra civilne zaštite Član 184. stav 1. tačka 2.	10.000,00	1.950,00	11950,00	Tekuća 8,00% i akumulirana sredstva 10,00% iz prethodnih godina od posebnog poreza za zaštitu
4.	Nabavka uniformi i opreme za strukture civilne zaštite Član 184. stav 1. tačka 2.	7.000,00	1950,00	8.950,00	Tekuća 8,00% i akumulirana sredstva 7,00% iz prethodnih godina od posebnog poreza za zaštitu
5.	Saniranje dijela šteta nastalih prirodnom i drugom nesrećom Član 184. stav 1. tačka 6.	7.000,00	1.950,00	8.950,00	Tekuća 8,00% i akumulirana sredstva 7,00% iz prethodnih godina od posebnog poreza za zaštitu
6	Nabavka sistema za uzbunjivanje član 184. stav 1. tačka 5.	15.000,00	5.000,00	20.000,00	Tekuća 20,40% i akumulirana sredstva 15,00% iz prethodnih godina od posebnog poreza za zaštitu
7	Preventivne mjere zaštite i spašavanja član 184. stav 1. tačka 2.	5.000,00	3.900,00	8.900,00	Tekuća 15,81% i akumulirana sredstva 5,00% iz prethodnih godina od posebnog poreza za zaštitu
U K U P N O:		100.000,00	24.500,00	124.500,00	

Obrazloženje predloženih stavki troškova:

1. **Nabavka terenskog motornog vozila** (Član 184. stav 1. tačka 2 Zakona za zaštitu i spašavanje) 43.900,00 KM

- U slučaju nastanka prirodnih i drugih nesreća i nadležnost Štaba civilne zaštite u saniranju šteta na područjima zahvaćenih područja, terenski rad i obilazak takvih područja za navedene potrebe potrebno je izvršiti nabavku terenskog vozila 4x4 sa dodatnim kasonom za teret. Isti se može koristiti za potrebe Vatrogasne jedinice.

2. **Pripremanje, opremanje i obuka štaba povjerenika i jedinica CZ.** (Član 184. stav 1. tačka 2,3,5 i 7 Zakona za zaštitu i spašavanje) 21.850,00 KM

- Zakonom o zaštiti i spašavanju i Pravilnikom o načinu rada i funkcioniranja štabova i povjerenika CZ utvrđena je obaveza općine i utvrdila visinu naknada koja pripada članovima štaba CZ za rad u štabu. Sredstva potrebna za isplatu naknada predviđena je iz sredstava prikupljenih po osnovu poreza za zaštitu. Obzirom na propisanu visinu naknade i ostalih obaveza planirana je stavka u bruto iznosu.

3. **Sredstva veze za potrebe Operativnog centra civilne** (Član 184. stav 1. tačka 2. Zakona za zaštitu i spašavanje): 11.950,00 KM

- U slučaju nastanka prirodnih i drugih nesreća na području općine Bužim može se očekivati i prekid telefonskog saobraćaja i prekid u napajanju električnom energijom. U takvim slučajevima dolazi do blokade veza u komunikacijama i na taj način se otežava i blokira provođenje sistema zaštite i spašavanja, pravovremeno reagovanje štaba i jedinica civilne zaštite. Kako je Programom razvoja predviđeno opremanje sa sistemom veze te stoga je i predložena nabavka iste.

4. **Nabavka uniformi za strukture civilne zaštite** (Član 184. stav 1. tačka 2. Zakona za zaštitu i spašavanje): 8.950,00 KM

- Općina Bužim je u 2012 izvršila nabavku uniformi za povjerenike civilne zaštite te do sada nije vršila nabavku niti opremanje jedinica opće i specijalizovane namjene u strukturama civilne zaštite. Ni jedna jedinica nema osnovnu uniformu niti bilo kakvu opremu u slučaju nastanka prirodnih i drugih nesreća. Pravilnikom o izgledu uniformi i obilježavanju pripadnika jedinica civilne zaštite (Službene novine F BiH broj 77/06) utvrđen je izgled i način obilježavanja. Obzirom da jedinice struktura civilne zaštite općine Bužim nisu opremljene potrebno je izvršiti nabavku najneophodnije opreme a prioritet opremanja, vrstu i količinu opreme će odrediti Služba za civilnu zaštitu i vatrogastvo prema raspoloživim sredstvima.

5. **Saniranje dijela šteta nastalih djelovanjem prirodnih i drugih nesreća** (Član 184. stav 1. tačka 6 Zakona za zaštitu i spašavanje): 8.950,00 KM

- Zakonom o zaštiti i spašavanju od prirodnih i drugih nesreća utvrđene su obaveze općina u planiranju i provođenju zaštite i spašavanja. Općina Bužim u budžetu planira sredstva za navedene namjene iz izvornih prihoda u ustaljenom iznosu od 5.000,00. Kako u slučaju potrebe hitnog rješavanja prioriteta u cilju normaliziranja stanja pored planiranih sredstava iz izvornih prihoda planiran je iznos od 8.950,00 KM od raspoloživih sredstava prikupljenih od posebnog poreza. Planirana sredstva se troše za saniranje posljedica u slučaju nastanka prirodnih i drugih nesreća.

6. **Nabavka sistema za uzbuñjivanje** (član 184. stav 1. tačka 5. Zakona za zaštitu i spašavanje): 20.000,00KM

- Zakonom o zaštiti i spašavanju od prirodnih i drugih nesreća utvrđene su obaveze općina u planiranju i provođenju zaštite i spašavanja. Općina Bužim. Da bi se stanovništvo pravovremeno obavještavalo u 2012 godini instalirana je na Radostovu bazna stanica sa sirnom. S obzirom da ista ne pokriva kompletnu teritoriju općine Bužim neophodno je instaliranje dodatnih sirena na lokacijama Lubarde i Kaukovića glavice.

7. **Preventivne mjere zaštite i spašavanja** (član 184. stav 1. tačka 2. Zakona za zaštitu i spašavanje): 8.900,00 KM

Odlukom o uvjetima i načinu korištenja sredstava prikupljenih iz posebnih naknada za zaštitu i spašavanje predviđeno je da se mogu trošiti za preventivne mjere zaštite i spašavanja i to koje su u funkciji sprečavanja nastanka prirodnih i drugih nesreća, a koje su utvrđene u programskim i planskim dokumentima zaštite i spašavanja iz člana 168 do 174a Zakona o zaštiti i spašavanju.

Broj: 02/5-14-4801/12
Bužim, 13.12.2012

PO OVLAŠTENJU
OPĆINSKOG NAČELNIKA
Senad Krupić ing. s.r.

S a d r Ź a j

53. Odluka o usvajanju godišnjeg plana korištenja sredstava zaštite i spašavanja za 2013. godinu	1	54. Plan korištenja sredstava posebne namjene iz oblasti zaštite i spašavanja ljudi i materijalnih dobara općine Bužim za 2013. godinu	2
---	---	---	---

O B A V J E Š T E N J E

Za svaki broj posebno se plaća cijena. Cijena za „Službeni glasnik Općine Bužim“ iznosi 10,00 KM po jednom primjerku, a uplata se može izvršiti na račun broj: 161 035 0017560631 u korist Depozitnog računa za prikupljanje javnih prihoda Općine Bužim, vrsta prihoda 722631, identifikacijski broj 4263287480003

Izdavač: Općina Bužim

Štampa: Služba za opću upravu i društvene djelatnosti